

Mbanjnazmax dwg mbanj youq henz dah, deng bo heu humxrumj. Gizneix gyoengq bo humxheux raemxdah, raemxdah dauqngaeuz gyoengq bo, gij yingjfanj gyoengq bo dieggyae youq raemxdah saw engq heuswd, lwgbit iq ndaw dah cingq angqyangz dwk youz bae youz dauq, raemxdah dieggyawj gaeuznyeu dwk veizhumx youq naj mbanj, caen dwg “fwj miz saek ndoeng vang ndongj namz, raemx daiq hing dah gvaq bo baek”. Mbanjnazmax youq doenghnaz hung ndeu caeuq gyoengq bo daengh lajde, daengx mbanj yawj hwnjdaeu baenzneix gyaunde.

Mbanjnazmax miz haj goengq bo miz heiqlingz, geij goengq bo neix faen youq baihdoengnamz、baihnaz、baihsaenamz、baihyang caeuq baihlaeng. Vunzmbanj yaek gvaq maz ciet couh rox hwnj goengq bo doiqwngq bae hoh.

Gwnz byongh bo saenamz miz aen mboq ndeu, vunzlai heuhguh “Bakmboq”. Gaxgonq henz Bakmboq miz geij go faexraq laux, ndaej cien lai bi lo. Go cei q hung daengx go cizging miz baenz 3 mij, miz 60 lai mij sang, mbaw baenz nga maengh. Raemxmboq sawrad ndaej yawjraen daengz daej, gwnz raemx ronghyapyap, raemx gig ndei caemhcai q raemx mbwnj ok youh lai, gij raemx neix aeu bae laeh naz, lij gung hawj vunz geij aen mbanj gwn caeuq yungh.

Sigij gonq 90 nienzdaih, vih bae dauq fuengbienh, cek aen giuzfaex



gaeuq naj mbanj bae, yaek guh aen giuzgang. Vunzlai couh raemj geij go faexraq laux bae gai aeu ngaenz guh giuzgang. Daj raemj geij go faexraq laux bae le, raemxmboq couh gwq mbwnj gwq noix. Doeklaeng raemx Bakmboq cai q hix gung mbouj hawj baenzlai vunz gwn caeuq yungh lo. Riuznaeuz gyangngoenz miz bitgim youq Bakmboq youz, gyanghaemh bitgim couh youq laj faexraq laux ninz. Raemj faexraq laux bae, bitgim mbouj miz ranz ndoj, couh deng vunz fatyienh caeg bae lo. Bitgim neix dwg doxgai q bouxsien, rox hawj raemx mbwnj ok. Mbouj miz de congh Bakmboq dangyienz couh mbouj rox ok raemx lo, raemxmboq couh yied

dauj yied noix.

Moix bi gvaq cieng le, mbwn sau j mbouj miz fwn doek seiz, saekseiz Bakmboq di raemx hix mbouj mbwnj lo. Aenvih mbouj miz geij lai raemx bae laeh naz, gij naz cungj bienqbaenz reih, haeuxnaz hix ndaem mbouj baenz, cijndaej ndaem haeuxdaeq roxnaeuz haeuxmienh daengj gij gomiuz mbouj aeu baenzlai raemx. Baezlaeng, bi soucingz hix mbouj ndei, gij ndwenngoenz vunzmbanj hix baenzhoj baenznaz.

Naj Mbanjnazmax 100 mij, miz diuz dah ndeu daj baihsae lae coh baihdoeng, raemxdah sawngeuz, ndigah vunzmbanj heuh dah neix guh “Dahraemxsaw”. Dah neix dwg

dahnga Gyanghraemxsaw, goekraemx de youq giz liz miz saek 33 goengleix.

Ciuhgeq, vunzmbanj vih bienh bae bangxdah baihbaek guh hong, couh youq gwnz Dahraemxsaw guh aen giuz faex ndeu. Aen giuz faex neix dwg vunzmbanj hwnj byalaeng bae raemj faex laux dauj guh, aen giuz neix raez saek 30 mij, gvangq saek 2 mij. Gyaеu j giuz dep mbanj baihneix lij guh aen diengz hawj vunz naengh, vunzmbanj heuh de guh “Haenzcamh”. Gaxgonq dwg hawj vunz bae naz guh hong dauq naengh yaep ndeu cai q ma ranz, doeklaeng couh bienqbaenz vunzmbanj mwh hoengq hix dauj gizneix youqliengz、gangjgoj. Giuzfaex laux neix miz geij bak bi lo. Youq geij bak bi doekgonq, couh miz aen gvenq ndeu: Vunz daengx mbanj daengz yaek bae sou haeux seiz couh coih aen giuz neix baez ndeu, mienxcij sou haeux seiz gyoengqvunz baebae dauq dauq daiqlai, giuz deng raek mbouj youqgaenj, lau vunz deng sieng. Giuz deng duenh caezgya ok ngaenz cai q coih roxnaeuz guh aen moq cungj baenz, ndang vunz youh mbouj dwg gizlawz deng sieng cungj yw ndaej ndei. Geij bak bi dauj, ciuh swnj ciuh, iticg baenzneix guh.

Mbanjnazmax bo heu raemx saw, hawj gyoengqvunz youq dieg neix anningz dwk gvaq saedceij, ce miz hauj lai cienznaeuz geizheih. Muengh doeklaeng Mbanjnazmax gung ok vunzcaiz engq lai, Mbanjnazmax goj cau h ndaej engq ndei!

Lwggaeqndaem Ra Daxmeh

小黑鸡找妈妈

□ Mungzningz / 蒙宁

Lwggaeqndaem mbouj miz daxmeh, aenvih de dwg ndaw ciengzciengxgaeq aeu dien h faeg okdauj.

Daj ngoenz ciengx hwnj, de couh deng gven youq ndaw loengzciengxgaeq, haeux caeuq raemx cungj dwg saicien zsoengq gag soengq dauj, gwn imq mbouj miz vwndiz. Hoeng, byawz mbouj siengj miz daxmeh gyaezmai j caeuq haeujsim sw hgeij ha! Lwggaeqndaem ngoenzngoenz siengj, hwnzhwnz muengh, maqmuengh ndaej ra raen daxmeh de. Ngoenzneix lwggaeqndaem youh cingq siengj: Daxmeh goulau ge q lo, dwg mehgaeq bizbodbod? Goulau lij nienzoiq, dwg duz mehgaeqndaem lengj ba? Ei ei, daxmeh, mwngz youq gizlawz? Mwngz itdingh hix cingq niemh gou ba……

Doeklaeng de caen ra daengz aen gihvei ndei ndeu, ndonj ok led, diuq ok ciengzciengxgaeq. Hw, doenghnaz geij lai gvangq, hoengheiq geij lai hom!

Lwggaeqndaem angq ndaej vad song aen fwed iq, caen siengj mbin hwnj gwnz mbwn bae.

Byai j mbouj ndaej geij lai gyae, lwggaeqndaem yawjraen miz sam duz lwggaeqraiz cingq youq henz loh vat non. Goulau gyoengqde dwg daeggo roxnaeuz dahcej gou? Ndawsim lwggaeqndaem baenzneix siengj couh angqvauvau buet gvaqbae.

Sam duz lwggaeqraiz baez raen dauj boux hek najseng ndeu, couh “gigi gigi” hemq hwnjdaeu j. Laxlawz neix dwg daxmeh gyoengqde son hawj gyoengqde, ei qsei dwg “Angqcoux, angqcoux, baengzyoux iq!”

Gangj hwnjdaeu j caen mizyinx, gaeqdaxmeh cingq faeg gyaeq, couh “lo lo lo、lo lo lo” dwk son lwggaeq ndaw byuk gangjv ah lo. Sam duz lwggaeqraiz neix ok byuk gyaeq le, daxmeh couh ngoenzngoenz son gyoengqde gangjv ah, gyoengqde gaenq hag rox hauj lai “vahgaeq” lo.

Hoeng lwggaeqndaem mbouj miz daxmeh, mbouj rox gangj hix dingq mbouj rox “vahgaeq”, cijndei ngaenzngwd dwk muengh sam duz lwggaeqraiz neix, ndawsim gig nanzgvaq. De siengj: Ei, danghnaeuz ra daengz daxmeh, de itdingh rox son gou gangj hauj lai “vahgaeq”.

“Yawj, de mbouj rox gangjv ah, itdingh dwg bouxngoemx.” Duz lwggaeqraiz cei q hung “gigi gigi” dwk hemq.

“Mbouj dwg mbouj dwg, de itdingh mbouj miz daxmeh dauj son de gangj.” Lingh duz lwggaeqraiz doengzcingz dwk naeuz.

“Daxmeh son raeuz gangjv ah, raeuz son de, raeuz guh daxboh daxmeh de, ndei lwi?” Duz gaeqlwgraiz cei q iq “gigi” dwk cam.

“Deng, lij son aen bonjsaeh gaeb non daxmeh son hawj raeuz neix hawj de dem. Duzromh gaeb gaeqlwg, gaeqlwg baenzlawz ndoj, aen banhfap

neix lwnh de lwi?” Duz gaeqlwgraiz cei q iq cam dahcej de.

“Dangyienz son lo.” Song dahcej caez han.

Sam duz lwggaeqraiz hai fwed, angqyangz dwk umj lwggaeqndaem, lwggaeqndaem nyaenx mbouj ndaej doek raemxda lo.

Seizneix, mehgaeq sam duz lwggaeqraiz dauj lo. De dwg duz mehgaeqraiz, gig lengj.

“Daxmeh! Daxmeh! Mwngz dwg daxmeh gou lwi?” Lwggaeqndaem hainduj gangjv ah lo.

Yienznaeuz mehgaeqraiz mbouj rox lwggaeqndaem gangj maz, hoeng raen de baenzneix gikdoengh caemhcai q youh hojlien z dwk cam, cai daengz de cam maz, couh caenciet dap naeuz: “Dwg, dwg, gou dwg daxmeh mwngz!”

“Hi!” Sam lwggaeqraiz caez hemq hwnjdaeu j: “Dou cungj dwg raiz, de dwg ndaem, baenzlawz dwg beixnuengx dou?”

“Lwg, gaeq lajmbwn cungj dwg ranz ndeu, youq ndaw lwgda daxmeh, lwgnyez bwn yienghlawz cungj dwg lwg gou.” Mehgaeqraiz gaenjgaenj got lwggaeqndaem youq laj fwed, “lo lo lo” dwk ciengq go hwnjdaeu j.

Doeklaeng, lwggaeqndaem caeuq sam duz lwggaeqraiz ndaej daengz mehgaeqraiz gyaez hoh, gij saedceij gvaq ndaej gig vuenyungz.